

## 9. gr.

Árlega skal stjórn forðabúrsins senda sýslunefnd fyrir aðalfund skýrslur og reikninga forðabúrsins.

22  
20. apríl

## 10. gr.

Ef forðabúrið er lagt niður, falla eignir þess óskiftar til sveitarsjóðs.

## 11. gr.

Brot gegn samþykkt þessari varða sektum 2—20 kr. er renna til kornforðabúrsins.

Samþykkt þessi staðfestist hjer með samkvæmt framangreindum lögum og öðlast gildi 1. júní 1918.

Í stjórnarráði Íslands, 20. apríl 1918.

**Sigurður Jónsson.**

Oddur Hermannsson.

## Reglugjörð

23  
22. apríl

um ráðstafanir til að tryggja verslun landsins.

Samkvæmt heimild í lögum nr. 6, 8. febrúar 1917, um heimild handa landsstjórninni til ráðstafana til tryggingar aðflutningum til landsins, eru hjer með sett eftirfarandi fyrirmæli.

## 1. gr.

Meðan samningar standa nú yfir milli Bretastjórnar og sendimanna landsstjórnarinnar íslensku um verðlag á íslenskum afurðum árið 1918, er bannað að selja til útlanda eða gjöra samninga um sölu til útlanda á íslenskum afurðum, sem framleiddar hafa verið eða framleiddar verða á yfirstandandi ári.

## 23

22. apríl

## 2. gr.

Brot gegn ákvæðum 1. gr. reglugjörðar þessarar varða sektum alt að 500.000 krónum. Bæði sá, sem selur eða lofar að selja vörur þær, sem greindar eru í 1. gr. og á þann hátt, er þar greinir, og sá, sem kaupir eða lofar að kaupa þær, skal sekur talinn við ákvæði þessarar reglugjörðar. Hið selda eða umsamda er að veði fyrir sektunum.

## 3. gr.

Með mál út af brotum gegn reglugjörð þessari skal fara sem almenn lögreglumál.

Áður en dómari úrskurðar sektir, án þess að mál fari fyrir dóm, skal málið borið undir stjórnarráðið.

## 4. gr.

Reglugjörð þessi öðlast gildi þegar í stað.

Þetta er birt öllum þeim til eftirbreytni, sem hlut eiga að máli.

**Í stjórnarráði Íslands, 22. apríl 1918.**

**Sigurður Jónsson.**

---

Oddur Hermannsson

## 24

22. apríl

## Auglýsing.

Í sambandi við reglugjörð þá um ráðstafanir til að tryggja verslun landsins, sem gefin hefir verið út í dag, auglýsist hjer með, að landsstjórnin vegna landssjóðs getur ekki tekið neina ábyrgð á afleiðingum af ráðstöfunum eða sölu-samningum manna á milli hjer á landi um íslenskar afurðir til útflutnings, sem framleiddar hafa verið eða framleiddar verða á yfirstandandi ári.

**Í stjórnarráði Íslands, 22. apríl 1918.**

**Sigurður Jónsson**

---

Oddur Hermannsson.